

古今絕句

二



本朝絕句



大丞相荆國文公臨川先生



五言

永昭陵

神闕澹朝暉蒼蒼露未晞龍車不可望投老涕沾衣

米黻題余定林所居為昭文

齋因作

我自山中客何緣一本有此名當緣琴不鼓人不見虧成

送呂望之赴臨江

黃雀有頭顱長行萬里餘想因君出守暫得免包苴

送丁廓

風駛柳條乾駝裘未勝寒慙歎陌上日為客暖征鞍

送王補之行風忽作因題四句於舟中

淮口西風急君行定幾時想應今夜月未便照相思

送王彥魯

北客憐同姓南流感似人相分豈相
忘臨路更情親

示呂望之

池散田田碧臺敷灼灼紅年華豈有
盡心賞亦無窮

送陳景初

舉族貧兼病煩君藥石功長安何日
到一一問歸鴻

別方劭

迢迢建業水中有武昌魚別後應相
憶能忘數寄書

過寶覺

執手乍欣悵霜毛應更新依然舊童
子却想夢前身

草堂一山主

一公持一鉢想復度遙岑地瘦無黃
犢春來草更深

聊行

聊行弄芳草獨坐隱團蒲問客茆簷

日君家有此無

染雲

染雲爲柳葉剪水作梨花不是春風
巧何緣有歲華

溝港

溝港重重柳山坡處處梅小輿穿麥
過狹徑礙桑回

霹靂溝

霹靂溝西路柴荆四五家憶曾騎欵
段隨意入桃花

丁巳

荆句

二

午睡

簷日陰陰轉牀風細細吹脩然殘午
夢何許一黃鸝

題齊安壁

日淨山如染風暄草欲薰梅殘數點
雪麥漲一溪雲

臺上示吳愿

細書妨老讀長箏怯昏眠取箏且一
息拋書還少年

示沈道原

久不在城市少留心悵然幽芳可攬
結佇子飲雲泉

傳神自贊

此物非他物今吾即故吾今吾如可
狀此物若爲摹

題何氏園亭

荷葉參差卷榴花次第開但令心有
賞歲月任渠催

題黃氏園

爲憶去年梅凌寒特地來閨前空臘

一五六

荆句

盡渾未有花開

北山游亭

西崦水泠泠沿岡有游亭自從春草
長遙見祇青青

詠穀

可憐臺上穀轉目已陰繁不解詩人
意何爲樂彼園

池上看金沙花數枝過酴醾

架盛開

故作酴醾架金沙祇謾栽似矜顏色

好飛度雪前開

五柳

五柳柴桑宅三楊白下亭
往來無一事長得見青青

移松皆死

李白今何在桃紅已索然
君看赤松子猶自不長年

山中

隨月出山去尋雲相伴歸
春晨花上露芳氣著人衣

荆句上

荆句上

四

被召

榮祿嗟何及明恩愧未酬
欲尋西掖路更上北山頭

再題南澗樓

北山雲漠漠南澗水悠悠
去此非吾願臨分更上樓

南浦

南浦隨花去迴舟路已迷
暗香無覓處日落畫橋西

題定林壁懷李叔時

雲與淵明出風隨禦寇還燎爐無伏
火蕙帳冷空山

離蔣山

出谷頻回首逢人更斷腸
桐鄉豈愛我我自愛桐鄉

江上

江水漾西風江花脫晚紅
離情被橫笛吹過亂山東

春雨

苦霧藏春色愁霖病物華
幽竒無可柰強酬一杯霞

荆句一

五

柰強酬一杯霞

歸燕

馬上逢歸燕知從何處來
貪尋舊巢去不帶錦書迴

和惠思波上鷗

翩翩白鳧鷗汎汎水中游
西來久不見夢想在滄洲

秣陵道中口占

經世才難就田園路欲迷
慙慙將白髮下馬照清溪

二
歲熟田家樂，秋風客自悲。
茫茫曲城路，歸馬日斜時。

次青陽

十載九華邊，歸期尚渺然。
秋風一乘傳，更覺負林泉。

代陳景元書于太一宮道院
官身有吏責，觸事遇嫌猜。
野性豈堪此，廬山歸去來。

山雞

丁丑五

荆句上

六

山雞照淶水，自愛一何愚。
文采爲世用，適足累形軀。

雜詠

故畦拋汝水，新壠寄鍾山。
爲問揚州月，何時照我還。

二

已作湖陰客，如何更遠遊。
章江昨夜月，送我到揚州。

三

證聖南朝寺，三年到百回。
不知牆下

路今日幾荷開

四

桃李石城塢餉由三月時柴荆常自
閉花發少人知

卧聞

卧聞黃栗留起見白浮鷗坐引魚兒
戲行將鹿女遊

秋興有感

宿雨清畿甸朝陽麗帝城豐年人樂
業隴上踏歌聲

丁巳

荆句上

八功德水

欲尋阿練若曳屐出東岡澗谷芳菲
少春風著野桑

口占

去歲別南嶽前年返泐潭臨機一句
子今日遇同參

偶書

雄也營身足聃兮悞汝多捐書知聖
已絕學柰禽何

泊姚江

軋軋櫓聲急蒼蒼江日低吾行有定
止潮汐自東西

樓上

蕩漾舟中客徘徊樓上人滄波浩無
主兩漿邈難親

春晴

新春十日雨雨晴門始開靜看蒼苔
紋莫上人衣來

淨相寺

淨相前朝寺荒涼二十秋曾遭滅劫

荆句上

壞今遇勝緣修

將母

將母邗溝上留家白紵陰月明聞杜
宇南北揔關心

朱朝議移法雲蘭

幽蘭有佳氣千載閔山阿不出阿蘭
若豈遭乾闥婆

晚歸

岸迥重重柳川低渺渺河不愁南浦
暗歸伴有姮娥

題舫子

愛此江邊好，留連至日斜。
眠分黃犢草，坐占白鷗沙。

惠崇畫

斷取滄洲趣，移來六月天。
道人三昧力，變化祇和鈇。

蒲葉

蒲葉清淺水，杏花和暖風。
地偏緣底綠，人老爲誰紅。

芳草

芳草知誰種，綠堦已數叢。
無心與時競，何苦綠葱葱。

與徐仲元自讀書臺上定林
橫絕潺湲度，深尋犖确行。
百年同逆旅，一壑我平生。

病中睡起折杏花數枝

獨卧南牕榻，脩然五六旬。
已聞鄰杏好，故挽一枝春。

二

獨卧無心起，春風閉寂寥。
鳥聲誰喚

汝屋角故相撩

梅花

墻角數枝梅，凌寒獨自開。遙知不是雪，為有暗香來。

紅梅

春半花纔發，多應不柰寒。北人初未識，渾作杏花看。

書定林牕

問遠大師師云夜來夢說十波羅蜜

道人今輟講，卷袂寄松蘿。夢說波羅蜜，當如習氣何。

二六十三

判句上

十

題徐浩書法華經

一切法無差，水牛生象牙。莫將無量義，欲覓妙蓮華。

迴紋

碧蕪平野曠，黃菊晚村深。客倦留甘飲，身閑累苦吟。

二

夢長隨永漏，吟苦雜疎鍾。動蓋荷風勁，沾裳菊露濃。

三

迸月川魚躍，開雲嶺鳥翻。徑斜荒草惡，臺廢治花繁。

六言

題西太一宮壁

蘇黃次韻詩附

柳葉鳴蜩綠暗，荷華落日紅酣。三十
六陂流水白頭，想見江南。

二

三十年前此地，父兄將我東西。今日
重來白首，欲尋陳迹都迷。

西太一宮壁見

荆句一

一一

荆公舊詩次其韻

蘇東坡

秋蚤川原淨麗，雨餘風日清酣。從此
歸耕劔外，何人送我池南。

二

但有罇中若下，何須墓上征西。聞道
烏衣巷口，而今煙草萋迷。

謹次韻

荆公題西太一宮壁

黃豫章

風急啼烏未了，雨來戰蟻方酣。真是

真非安在。人間北看成南。

二

晚風池蓮香度曉日宮槐影西白下
長千夢到青門紫曲塵迷

有懷 半山老人再次韻

短世風驚雨過成功夢迷酒酣草玄
不妨準易論詩終近周南

一

啜羹不如放麋樂羊終愧巴西欲問
老翁歸處帝鄉無路雲迷

荆句上

四十二

西太一宮樓

草際芙蓉零落水邊楊柳欹斜日暮
炊煙孤起不知魚網誰家

宮詞

六宅新粧促錦三宮巧仗叢花一片
黃雲起處內人遙認官家

七言

歌元豐

水滿陂塘穀滿篝漫移蔬果亦多收
神林處處傳蕭鼓共賽元豐第二秋

二

露積成山百種收
漁梁亦自富鰕鱖
無羊說夢非真事
豈見元豐第二秋

三

湖海元豐歲又登
稻生猶足暗溝塍
家家露積如山壠
黃髮咨嗟見未曾

四

放歌扶杖出前林
遙和豐年擊壤音
曾侍土階知帝力
曲中時有譽堯心

五

豚筴雞埒掩靄間
暮林搖落獻南山
豐年處處人家好
隨意飄然得往還

棊

莫將戲事擾真情
且可隨緣道我贏
戰罷兩奩分一本作收白黑
一枰何處有虧成

題畫扇

玉斧修成寶月團
月邊仍有女乘鸞
青冥風露非人世
鬢亂釵橫特地寒

夢

黃梁欲熟且留連
漫道春歸莫悵然

蝴蝶豈能知夢事，蘧蘧飛墮晚花前。

清明

東城酒散夕陽遲，南陌鞦韆寂寞垂。
人與長筵卧芳草，風將急管度青枝。

東岡

東岡歲晚一登臨，共望長河映遠林。
萬竅怒号風卷我，千波競湧水無心。

春郊

青秧漫漫出初齊，雞犬遙聞路却迷。
但見山花流出水，那知不是武陵溪。

丁未次

荆句上

一日

元日

爆竹聲中一歲除，東風送暖入屠蘇。
千門萬戶曈曈日，總把新桃換舊符。

九日

九日無歡可得追，飄然隨意歷山陂。
蔣陵西曲風煙慘，也有黃華一兩枝。

初晴

幅巾慵整露蒼華，度壠深尋一徑斜。
小雨初晴好天氣，晚花殘照野人家。

南蕩

南蕩東陂水漸多，陌頭車馬斷經過。
鍾山未放朝雲散，柰此黃梅細雨何。

芙蕖

芙蕖耐夏復宜秋，一種今年便滿溝。
南蕩東陂無此物，但隨深淺見游鯈。

溝西

溝西直下看芙蕖，葉底三三兩兩魚。
若比濠梁應更樂，近人渾不畏春鉏。

東臯

東臯攬結知新歲，西崦攀翻憶去年。

荆句上

一五

肘上柳生渾不管，眼前花發即欣然。

一陂

一陂燄水蔣陵西，含風却轉與城齊。
周遭碧銅磨作港，畝塞綠錦剪成畦。

園蔬

園蔬小摘嫩還抽，畦稻新春滑欲流。
枕簟不移隨處有，飽餐甘寢更無求。

脩然

脩然三月閉柴荆，綠葉陰陰忽滿城。
自是老年遊興少，春風何處不堪行。

杖藜

杖藜隨水轉東岡興罷還來赴一牀
堯桀是非時入夢固知餘習未全忘
圖書

圖書老矣尚紛披神劓天黥以有知
茅竹結蟠聊一榻却尋三界外愚癡

老嫌

老嫌智巧累形軀欲就田翁學破除
百歲用癡能幾許救吾黥劓可無餘

移柳

荆句上

一六

移柳當門何啻五穿松作徑適成三
臨流遇興還能賦自比淵明或未慙
誰將

誰將石黛染春潮復撚黃金作柳條
西崦東溝從此好筍輿追我莫辭遙

雪乾

雪乾雲淨見遙岑南陌芳菲復可尋
換得千顰爲一笑春風輸柳萬黃金

南浦

南浦東岡二月時物華撩我有新詩

含風鴨綠粼粼起弄日鵝黃裊裊垂
竹裏

竹裏編茅倚石根竹莖踈處見前村
閑眠盡日無人到自有春風爲掃門

隨意

隨意柴荆手自開沿岡度塹復登臺
小橋風露扁舟月迷鳥羈雌競往來

秋雲

秋雲放雨淨山林萬壑崩湍共一音
欲記荒寒無善畫賴傳悲壯有能琴

春風

春風過柳綠如縹晴日烝紅出小桃
池暖水香魚出處一環清浪湧亭臯

陂麥

陂麥連雲慘澹黃綠陰門巷不多涼
更無一片桃華在借問春歸有底忙

木末

木末北山煙冉冉草根南澗水泠泠
縹成白雪桑重綠割盡黃雲稻正青

進字說

正名百物自軒轅野老何知強討論
但可與人漫醬瓿豈能令鬼哭黃昏

二

鼎湖龍去字書存開闢神機有聖孫
湖海老臣無四目謾將糟粕汙脩門

窺園

杖策窺園日數旬攀花弄草興常新
董生只被公羊惑肯信捐書一語真

嘲白髮

久應飄轉作蓬飛眷惜冠巾未忍違
種種春風吹不長星星明月照還稀

代白髮荅

從衰得白自天機未怪長青與願違
看取春條隨日長會須秋葉向人稀

外厨遺火

竈鬼何爲便赫然似嫌刀几苦無羶
圖書得免同煨燼却賴厨人清不眠

二

青煙散入夜雲流赤焰侵尋上瓦溝
門戶便疑能炙手比鄰何苦却焦頭

初夏即事

石梁茅屋有彎碕，流水濺濺度兩陂。
晴日暖風生麥氣，綠陰幽草勝花時。

千蹊

千蹊百隧散林丘，圖畫風煙一色秋。
但有興來隨處好，楊朱何苦涕橫流。

和陳輔秀才金陵書事

南郭先生比鷓鴣，年年過我未愆期。
休論王謝當時事，大抵烏衣祇舊時。
和耿天隲以竹冠見贈

荆句上

十九

竹根殊勝竹皮冠，欲著先須短髮乾。
要使山林人共見，不持方帽禦風寒。

二

無物堪持比此冠，竹皮柔脆穀皮乾。
故人戀戀緋袍意，豈爲哀憐范叔寒。

三

玉潤金明信好冠，錯刀剗出蘚紋乾。
不忘君惠常加首，要使歡盟未可寒。

四

冠工新意斲檀藥，卷會雲烝久未乾。

遺我山林真自稱何須貂暖配金寒

有唐絕句

荆句上

二十



